

CHUCHUBI

SEMANARIO

Diasabra, 13 di Mei, 1972

5000

-

INDEPENDIENTE

-

5000

50ct.



PETROLEO? — MILO CROES

Porfin HULANDA y VENEZUELA ta bai dicidi pa regla — “AWA TERITORIAL” y por cuminsa cu e boramento pa — PETROLEO!!

SEMANARIO

- INDEPENDIENTE -

Esun mas lesa na Aruba.

Obtenible na:

ORANJESTAD serca

Henderson Aruba N.V.
Mai Store
Judella's
Van Dorp
Wariruri
Refresqueria "MI CHALILA"
Ruiz Store
Playa Coffee Shop
Eagle Store
Refresqueria Mayor
Piet's Soda Fountain
Refresqueria Ingrid
Hong Kong Grocery
Refresqueria La Fama
Zepp Wever
Refresqueria Estrella
Edna's Place
Refresqueria Italia
Arco Iris
La Popular
Ling & Sons Supermarket No. 2
Sun Kong Supermarket

SAN NICOLAAS na:

Refresqueria Central Madeireinse
Chiquito Grocery
Kong Ming Grocery
Za's Shop & Trading
Aruba Rum Shop
Ling & Sons Super Market
Lourdes Grocery
Refresqueria Benfica
Union Store
Nicolaas Store
Chung King Grocery
Sonny Place
Hotel "Las Delicias"

SAVANETA na:

Baby Grocery
Edwin's Drive-In

KAS DI PALOMA

Refresqueria Palomita
Buena Vista Rum Shop

CURA CABAÍ na:

La Mano de Dios
Miramar Rum Shop

POS CHIKITO na:

Pos chiquito Rum Shop
Baby Bakery

SANTA CRUZ na:

C.C. Wever - Sta. Cruz 120
H.S. Croes Supermarket
Eta Croes - Sta. Cruz 350 A
Aruba Store
Central Rum Shop
Macuarima Store
Coba Lodo Rum Shop

CAS ARIBA na:

Tienda Cas Ariba 22

CALABAS na:

Calabas Grocery

PARADERA na:

Paradera Store
Mario's Grocery
Charlie's Grocery

PIEDRA PLAT na:

Watapana Store
Baby Store

TANKI LEENDERT na:

Tienda Geerman
Tanki Leendert Grocery

NOORD na:

Refresqueria Boegoeroei
Palm Beach Store

Lesá y abona

"CHUCHUBI"

E semanario cu circulacion mas grandi na

ARUBA

E Lobo den cuero di carne

(Fuera responsabilidad
di reuaccion)

Diadomingo anochi sigur hopi tabata ansioso pa scucha e cnaria di partido MEP relaciona cu nos futuro estructura estatal. Pero ki desapunta esnan cu a skucha a keda! Un charia tur bruha-un cantidad di palabreria y un demagogia di primera clase. Un tow di expresionnan sentimental sin pia ni cabez.

Arubianonan ta desea di skucha primeramente un splikacion di e futuro sistema Federal cu MEP ta aboga pe y tambe un splikacion kiko ta e decentralizacion y kiko esaki ta contene cu MEP tin riba su programa; un splikacion detaya di e contenido dje mocionnan acepta den Eilandsraad y cualnan a ser aproba den reunion di MEP den Rialto riba e dia cu MEP a celebra su promer aniversario di existencia; splikacion di con por forma un Federacion cu un di e componentenan dje Federacion toch ta keda INDEPENDIENTE. Ta e puntonan aki y hopi mas ta forma e misterio nan cu ta rondona henter e deliberacionnan na Corsow, na Hulanda y aki na Aruba mes. Y ta esakinan ta loke e Pueblo kier ta na haltura, pasobra ta cu e destino di un Pueblo ta wordu trata. E colmo ta cu MEP a declara claramente: "CU TUR HENDE CU TA BIBA AKI TA DONJO DI E PIDA BARANCA AKI."

Despensa mi Sr. redactor, pero un estupidez mas grandi te awe mi no a yega di

skucha. Ki mishi Curazolenjo, Bonaireano, Isla Ribenjo manera abo y tur e personanan di otro nacionalidad DONJO di Aruba? Pa simpatia cu cualkier hende por a capta pa MEP den ultimo eleccion, awe si mester ser bisa cu nan a ser decepciona completamente.

Expresionnan aki ta pone nos corda tempo di Juancho su kiebraz cu Henny. Juancho tambe a purba defende Separacion y a garantiza tur e gruponan no-Arubiano cu nan tin e mesun derecho cu Arubianonan aki. Y ora nan a haya e dede, nan a tuma henter un braza bai cu ne. Y te awe PPA ta pega cu e no-Arubianonan, pasobra sin nan PPA no por sobre-vivi. Y pesey mes e hendenan ey ta

considera nan mes donjo di Aruba.

Te awe ainda Arubianonan hamas ta acepta pa tur hende cu ta biba aki ta DONJO di e pida baranca aki cu yama Aruba. Corda bon cu Arubianonan a nace, lucha y traha aki den tempo di bondad y den tempo di miseria y cu awe nos tin un futuro grandi nos dilanti cu nos ta repartiendo cu tur otro cu ta biba aki. Esnan cu a bini aki y cu sin duda a contribui na e nivel di bida aki, no a bini pornada. Nan a bini cu e solo obhetto pa gana mas tanto plaka posibel — nan a mira posibilidad estrategico den e situacion di e Isla — nan a mira posibilidad pa hasi bon negoshi — nan a mira abundancia.

Continuacion [pag. 9

ASCENSION DAY HOLIDAY SCHEDULE

FOR YOUR CONVENIENCE, THE ESSO SERVICENTERS WILL BE OPERATING ON THE FOLLOWING SCHEDULES ON THE UNDERMENTIONED DATE:

ESSO SERVICENTER	MAY 11, 1972
ORANJESTAD	10:00 a.m. — 5:00 p.m.
AUTORAMA	2:30 p.m. — 10:30 p.m.
ESSOVILLE	8:00 a.m. — 4:00 p.m.
SANTA CRUZ	7:00 a.m. — 3:00 p.m.
LAGOON	8:00 a.m. — 4:00 p.m.
SEROE COLORADO	9:00 a.m. — 11:00 a.m.
SAN NICOLAS	7:00 a.m. — 11:00 a.m. 2:00 p.m. — 6:00 p.m.
PONTON	9:00 a.m. — 5:00 p.m.
SAVANETA	8:00 a.m. — 8:00 p.m.
BOULEVARD	7:00 a.m. — Midnight

Esso

NETHERLANDS ANTILLES, LTD.

Nos lectornan ta scirbi

Recientemente a worde lanta un grupo na Paradera, bao di e nomber PARADERA ENTRE AMISTAD CU ESTUDIANTENAN (PEACE).

E grupo aki a worde funda dia 28 di Februari 1972, for di e mesun grupo cu a forma e grupo di Carnaval e anja aki pa Paradera. E grupo aki ta pensa di traha sin ningun enteres personal. Pa asina cu den termino di poco tempo Paradera lo ta orgulloso di e joventud, y alavez nos habitantenan menos afortuna, tampoco lo no ta lubida pa e grupo aki, cu apoyo di nos mes pueblo.

Nos ta conta cu apoyo di nos pueblo santisima, muestra cu nos por apoya joventud sigi den bon caminda. Pa poco cu e pueblo por juda, pa

nos e ta hopi, pasobra nos por pone loke cu cada habitante of comerciante duna, e ta aumenta hopi.

Nos sa cu nos no ta laga e pueblo desapunta, ya nos a muestra cu hecho caba den temporada di Carnaval, y nos sa tambe cu nos habitantenan no ta laga nan pueblo na caya, loke Paradera tawata falta ta un grupo di hende cu por tuma e responsabel grandi ei ariba nan, cu por ricibi elogio y critica y keda mes contento.

Sin perde animo, pa motibo di un grupito chikito cu no sa mehor, ni a trata di haci mescos, corda mehor ta duna critica sin pensa cu nan ta ofende un pueblo completo, pasobra ta e pueblo nos kier

mira adilanti, ta e joventud nos kier mira uni, pa nos pueblo keda un pueblo sano, y ken nan ta e joventud? Ta nos mes yiunan, ta esei ta e enteres cu nos tin, ta e pueblo ta di nos y nos ta di e pueblo. Nos mester juda joventud, nos mester juda nos hendenan menos afortuna.

Ta nos mester juda nan, no steun pa otro juda nan, corda e dicho, Juda bo mes pa otro Juda bo. Si nos no traha pa nos pueblo otro cu kier juda, lo bisa ta di con e habitantenan di e pueblo mes no ta juda nan pueblo?

Paradera ta un pueblo grandi y cu por hasi hopi. Na tur esunnan cu a juda nos caba, ta bai nos gratitud



BANCO POPULAR ANTILIANO N.V.

SANTA CRUZ 250

TELEFON 8440

**PA TUR BO NECESIDADNAN BANCARIO ACUDI
SERCA NOS.**

SERVICIO RAPIDO Y CORTEZ.

Oficina Principal: ORANJESTAD

Sucursales: CURACAO - BONAIRE - ST. MAARTEN -

SABA - ST. EUSTATIUS.

y confiando den boso apoyo nos ta sigi lucha. Si tin un of otro critica constructivo, lanse libremente, pasobra nos ta gusta 'critica constructivo' nos ta tumé y trata di drecha loke ta fout, y na esunnan cu a duna critica sin fondo sea asina bon di pasa informa serca nos president con e asunto ta, y despues si nan ta hiba di gusto di juda nos pueblo, manera cu nos ta haci, nan por juda e bestuur wanta e saldo cu e bestuur mester a paga di Carnaval, pasobra for di loke cu e pueblo juda nos awor, nos no por desconté, pasobra asina nos no ta bai adilanti, y gracias na Dios, despues di a acudi serca hopi persona, nos a hanja un bestuur dispuesto pa enfrenta hopi contra-tiempos.

Na tur comerciantenan cu a juda nos, nos mas sincero gratitud. Nos tawata bao di e nomber Centro Juvenil Paradera, awor nos ta e nomber cu ja nos a participa caba na cuminsamento.

Nos bestuur ta lo siguiente:
President: A. Rasmijn;

Vice President: C. Donata
Secretario: C.S. Donata;
Vice Secretario: L. Erasmus
Tesorero: Y. Feliciano;
Vice Tesorero: M. Erasmus;
Comisarionan: T. Dirkz - E. Erasmus - M. Limonier;

Nos atraccionan:
Steelband pa damas y Caballero - Representante A. Vrolijk y G. Erasmus;

VOLLEY pa damas y Caballeros - Representa pa C. Feliciano.

Fiesta un bes pa luna cu beat-band pa juventud;

Fiesta un bes pa luna cu conhunto — GENERAL — Wandelmars, caminda cu

nos comerciantenan por goza di un of dos bende extra, ja cu nos lo trata di descansar na cada - Grocery - Rumshop Refresqueria of Bar ja cu ta esei nan nos tin te awor den Paradera.

Na economia di mes, nos ta huur su articulonan, caminda cu nos descansar ta e grupo esta bestuur ta paga e gasto na e comerciante ariba plan ainda, pero lo bin pronto Gymnastiek pa damasnan interesa, Domino pa Damas y Caballeros, - Bingo - Basket, ja nos a cuminsa cu football, si tin un of otro grupo cu ta desea di afilia na nos grupo, cu gusto nos kler bin n un convenio cu nan.


Por jama President A. Rasmijn Tel. 3980 of acudi na Paradera 90: C. Donata of L. Erasmus.

ARIBA!! PARADERA —
ARIBA!! JOVENTUD.

Dia 13 di Mei grandioso baile na SCAPATODO, kaarchi obtenibel serca bestuur y na porta.

Na redaccion di Chuchubi nos gratitud y sperando cu lo e sigi coi plaza pa su bon cooperacion.

J.F. FELICIANO



Ata e auto cu tur hende tabata spera.

DATSUN 1200

4 porta

deluxe, Economico,

Convertabel, y Potente

Pasa libremente pa un roadtest na,

ANTILLIAN MOTORS ARUBA N.V.

Boerhaavestraat 21 — TEL. 3633 - 3733

Milo Croes su sonjo por bira verdad

NOTICIA CU PUEBLO MESTER SA:

Na Hulanda a worde publica na television un entrevista cu un ministro di Hulanda, kende a LARGA siip cu pronto lo po spera un aregio entre Hulanda y Venezuela tocante e continental piat y di e manera aki lo keda determina cual lugar ta di Aruba (Antillas) y cual ta di Venezuela pa di e manera aki sin ningun estorbo CUMINSA BORA SERIO PA PETROLEO DEN ANTILLAS.

E noticia aki ta algu cu senior Milo Croes a bisa masha hopi anjas pasa, esta cu na ARUBA tin petroleo y ora a spera den e tiempo ey cu lo bai busca y bora pa petroleo den awanan rond di Aruba a nace masha hopi companias, entre nan cu director Juancho Irausquin cu a pone den nan statuut cu ta nan solamente por a bora pa petroleo, e instituto cu tabata forma cu su hendenan politico.

AWOR poco a poco ta sali

na cla cu tin petroleo den e awanan di Aruba y tin hende ta bisa cu e aceite cu ta acumula den Lake di Maracaibo ta sali for di direccion Aruba.

Tambe a bolbe bini den actualidad e frere cu tabata na Aruba cu e wichelroede, kende a bisa "BAU DI ARUBA TA CORE UN RIVIER MASHA HANCHO, mester bora hundo pa saca awa for di dje pa trecele ariba.

Ningun hende tabata interesa den esaki pasobra mester a bini: "PLANTA DI AWA GRANDI DI MUNDO cu masha historia di comision."

Loke sea awor den e tiempo ilustra y di claridad aki ta bini den claridad cu Aruba tin algu y ta un isla masha interesa y cu tin hopi otro lugar cu tin nan wowo ariba dje, pasobra mester corda semper "TA RUMAN NOS TA".

Tiempo Milo Croes a papia tocante e petroleo Arubano, e no por a papia mucho documenta, pero tabata tin algu

pasobra tabata tin un rapport Frances cu ta papia tocante e aceite na Aruba y un lugar cu ta masha hopi menciona ta "SANTO LARGU".

Na e lugar ey ora bo ta camna den laman bo por sinti e sonido hol bau di bo pianan y bo pia ta sushi di aceite, pero no ACEITE DI LAGO.

E compania cu a worde forma pa explora y busca e aceite rond di Aruba tabata sa algu mas tambe, pero e tiempo no tabata rijp ainda pa papia di petroleo, pasobra tabata tin gran cantidad di aceite for di tur parti di mundo y barata.

Paisnan a cuminsa awor ta exige mas pa nan petroleo y awor a jega e tiempo pa sakele for di den laman rond di Aruba.

E historia di aceite di Aru-

CURTIMENTO DI CUERO FUNDASHON ARTESANIA ARUBIANO ta invita

interesadonan pa sigui un curso gratis cu lo cuminsa den segunda parti di MEI y lo dura dos luna, duna door di experto:

Dr. T.J. DEVASSY

1° Un curso den dia
8—12'or di mainta.

2° Un curso anochi di
6—10 'or.

Interesadonan por duna
number cerca

Sra. E. MORSCH

N.- Cura Cabai 128-A

TEL. 7520

LA LINDA

TIN

TRES PAKUS CU SURTIDO COMPLETO PA
HENTER FAMILIA

Pa Mucha	—	LA LINDA
Pa Senjora	—	LA LINDA
Pa Caballero	—	LA LINDA
Pa Muebles	—	LA LINDA

TEL.: 2054, 2120, 3363

ORANJESTAD, - Aruba N.A.

ba aki no a caba ainda. Loke nos ta spera ta pa Hulanda y Venezuela por firma pronto e pacto di Continental plat y es ora ey "GAI LO CANTA" pasobra lo por cuminsa

bora petroleo en serio.

Nos ta spera si cu gobierno lo cancela e grupo cu tin e derecho exclusivo pa busca petroleo den awanan di Aruba y tambe ariba tera.

GLORIA NOBLE PATRIA, Milo su palabranan ta jegan-do na verdad y ta spera firmamento di contracto pa awor bisa mas fuerte: "TA RUMAN NOS TA".

REMETIDO

Awanan territorial di kende?

Tocante e caso di e lanchan patrullera Venezolano ami personalmente kier haci e autoridadnan competente den derechonan di awanan territorial varios pregunta.

Manera algo totalmente normal poco dia pasa e patrulla naval Rio Apure den awanan territorial di Antillas Holandes a intercepta un barco Colombiano bao nomber di SOMBRA cu solamente tabata hiba abordo como carga un cadaver di un navegante Colombiano, kende poco dia anterior a hoga den haaf di Oranjestad. SOMBRA ta un barco di motor cu ta camna 6 milla pa ora y e anochi cu ela worde intercepta ela sali foi waaf di Oranjestad pa 7:15 di anochi y pa 7:35 p.m. kiere decir 20 mi-

nuut mas laat e barco a worde aborda door di e patrulla Venezolano cu tabata bini foi direccion di Aruba Caribbean Hotel y ora cu ela topa cu Sombra e tabata poco mas o menos pafor di e costa di Divi Divi Beach Hotel. Si Sombra tabata marcha cu tur su velocidad di seis milla y e tabatin solamente 20 minuut di viaha anto mi kier puntra cuanto milla e tabata aleuw di Aruba? E awanan en cuestion nan ta pertenece na Aruba of por ta posibel cu e autoridadnan Venezolano ta pensa cu Aruba ta di nan of cu Aruba no tin awanan territorial?

Patras di e barco Sombra a sali e barco Monarca cu a worde aborda door di e mesun patrullero den e mesun

luga cu Sombra a worde intercepta. Monarca a worde despacha for di waaf di Oranjestad cu un cargamento legal pa Puerto Limon, Costa Rica. Pa ki razon Monarca si a worde hiba door di Rio Apure mientras cu Sombra si nan a laga sigi su caminda?

Contestacion na e pregunta aki ta masha sencillo. Como e barco Sombra solamente tabata transporta un cadaver y e no tabatin abordo e bultonan di mercancia cu e capitan Venezolano tabata exiginan a lagele sigi su caminda bao di amensasa cu si e capitan di Sombra avisa otro barconan nan lo sink e.

E asunto tabata diferente cu Monarca. E barco aki si tabatin mercancia y como nan tabata di interes pa e capitan Venezolano y en vista cu e capitan di Monarca a ninga di entrega e capitan loke e tabata pidi e Senior Capitan Venezolano a dicidi di cohe e barco preso y en vez di trece pa autoridadnan den Antillas ela dicidi di hibe-le preso pa un puerto Venezolano.

Siglonan pasa tabata tin personanan riba awanan di lama mescos cu e capitan den e caso aki, esta e capitan Ve-



REMETIDO:

Larga cada uno busca su destino

Na e delegacion Arubano nos kier larga nan sabi cu ta e mes declaracion cu minister Lardinois na Bonaire a declara tal cos y mescos a sosode na Sheraton Hotel na e representantenan di eilandsraad a duna claramente di compronde cu Hulanda no ta di acuerdo pa duna Aruba su deseo, largando e otronan especialmente Curacao isola cu e otro 4 islanan pa e percura pa nan sin Aruba.

Awor cu e Gobierno di Hulanda a duna di compronde eu ora bo ta huntu cu nan na Hulanda nan ta tende bo cu hopi cariño y smoesjes, asina cu bo bira lomba pa nan bin beck pa west, mesora e puñal ta cla pa dalbo den bo lomba.

Ta 40 anja caba cu Aruba a hala atencion di Hulanda di e 2 isla hermananan, esta Aruba y Curaçao.

Nunca Aruba no a comete ningun violencia pa su derecho, semper el a bai pacíficamente cu Curaçao y Hulanda pa su derecho.

Hulanda ta mira, pero e no kier tende.

Ora un mama tin 2 jioe den cas cu nan dos no ta sali cu otro bao di ningun sentido, anto ta deber di e mama pa separa e jioenan foi otro. E ora ey paz lo reina dene cas. Larga cada un busca su destino.

Di con na Hulanda e estilo ta asina, ki ora cu un mama y un tata tin nan jioe, asina cu e haci 16 anja e majornan mes ta bisé bai busca bo manera di biba, bo por bai ki ora cu bo kier y bin ki ora cu bo kier, muher y homber.

Ta pakiko Hulanda mester forsa nos Arubiano den un

sapato preta cu ta blo blar so ta keda. Caminda ta habri awor, sea e partidonan na mando y cu esnan den oposicion sigi e union ban busca e derecho di Aruba aki na Naciones Unidos.

Sea cu e partida na mando kier of no kier M.E.P. ta bai ariba su mes cuenta cu su 8.000 votadornan Arubanos. Ya caba tin un holor cu un di e 3 partidanan cu a forma e union y e delegacion bai Hulanda bai presenta deseo y keho, cu ya caba segun rumores un di e partida cu ta den Gobierno insular ta na punta di bula afor, y nos no sa di A.V.P. ainda, pero sigur sigur M.E.P. ta e partida cu lo sigi cu tur loke e tin pa e causa di Aruba.

Ki ora 3 hende ta forma union y ora un di nan bula afor bo por bisa hopi cos cu ta interes personal y puesto, plaka etc. etc.

Hende di otro islanan cu no ta Arubiano ta pone presion pa nan bula afor pa kibra e union, pasobra nan ta pensa cu Aruba logra tal cos anto hopi leynan absurdo contra e Arubianonan su derecho lo cambia y neglisha jioenan di Aruba. Hesu Cristo mes su gabinete di 12 minister, JUDAS a traicioné pa placa ta keen ta nos pecador.

UN VIGILADOR

OFERTA ESPECIAL!

DI

Kashinan pa Panja

(TEAKHOUT)

DI

DOS — TRES Y CUATRO PORTA
PIDI INFORMACION TOCANTE NOS SISTEMA DI CREDITO.

HACI BO CAS UN CAS
CU MUEBEL DI

MESKER

ADR. LACLE BOULEVARD 21
TEL. 1325

E AFAN PA PASA DROGA TA CONTINUA

Cu traficantenan di droga ta siguiendo cu nan afan pa pasa droga a keda manifesta otro bes Diasabra pasa ora cu na aeropuerto Princes Beatrix douane abmntenaar nan na vliegveld a topa cu un paki di siete liber di cocaína den un maleta di un pasahero cu a jega den un vuelo procedente di Colombia.

Loke ta stranjo den e caso ultimo di descubrimiento di droga ta cu ora jega na e momento di berdad pa sabi di ken e maleta tabata no tabata tin ningun persona den henter e luga cu tabata donjo di e maleta.

Stranjo ademas ta cu e persona cu nan a kere cu e maleta ei no tabata pertenece na djele.

Y comprobando esaki ela saca su contrasenja y en berdad e number ariba no tabata corresponde cu esun riba e maleta. Fin di historia ta cu e maleta cu su cargamento precioso den dje a keda waak e agentenan di douane bisando "Atami aki, kiko awor."

Abona riba

CHUCHUBI

Magazine

—X—X—X—

Huma **Richmond**

y gana hopi placa!



Ora bo habri bo paki di
R I C H M O N D bo
por contra cu valenan di
500, 100, 50, 25, 10
y 5 florin.

Huma **R I C H M O N D** PA SU
SABOR Y obtene valenan di **GRAN**
VALOR.

Maleta cu tur cos aden a den burger durante di un pasa over pa recherche di evento deportivo reciente- warda di polis di Oranjestad mente ta kita un carton di y awor ta beurt pa nan des- cigarra Mericano for di un cifra e cuestion di un ma- espectador, pasobra e pakinan no tabatin stampia riba nan. leta cu droga aden cu a viaha Nos kier sa si e meneer aki lo haci mescos cu turistanan foi Colombia cu tiket, pero cu ta trece nan pakinan y sin donjo. cartonnan di cigarra pa consumo personal (sin stampia).

Ra, Ra, otro misterio sin solucion, mientras un douane



PA BISTIR DI RICIBIMENTO
PA COSEMENTU DI BISTIR
PA BRUID Y BRUIDMEISJES
Y NA UN PRIJS RAZONABLE

BOUTIQUE DOLORES

WILHELMINASTRAAT 22 - Oranjestad

Dia di Mama Mei 14

HACI MAMA SINTI SU MES REINA

SAQUE FOR DI CUSHINA


HIBE COME NA:



KENTUCKY FRIED CHICKEN

Hendrikstraat - Oranjestad

E GALINJA CU SABOR di CHUPA DEDE



E UNICO

E UNICO TA UN PERSONA UNICO
NO TIN DOS MESCOS
PASOBRA ELA SUFRI PA NOS
TA E UNICO CU TA KIMA SU MAN PA NOS
TA E UNICO CU TA TRAHA TE LAAT PA NOS
ORA TUR HENDE BIRA LOMBA PA BO
E TA E UNICO CU TA TUMA BO
E TA E UNICO CU NO TA DESPRECIA BO
TAMBE E TA E UNICO CU NI ORO OF DIAMANTA
POR IGUALA

I ESEI TA
N O S M A M A .

NUMERO DI SUERTE

PA E SIMAN AKI



— 23 —
— 42 —
— 65 —

dancia di trabao — nan a mira bon ganamento — nan a mira TRANKILIDAD y un Pueblo honesto, trabahador y hospitalario, cu tabata e garantia pa nan inversion y un oportunidad pa nan pone nan conocimiento na practico den e comunidad aki bao pago di bon sueldo. E Arubiano anto cu no tabata por otro, sinembargo cu su potencia financiero a paga bon placa pa educa su yiunan y despues di a cruza hopi obstaculo nos a logra hisa nos nivel di bida ne nivel cu nos tin'e awe.

Y te awe, cu e soppi ta hopi delega, ainda e Arubiano ta demostrando su sentimiento humano su karakter hospitalario cu ta conoci di e Arubiano, y ta wanta tur esnan cu ta biba aki na trabao. Nos no a core cu nan for di nos Isla, mientras e Arubiano si a wordu manda bek su lugar for di un Isla cu continuamente ta ser cualifica como HERMANA, esta St. Maarten.

Aya nan a core cu nos rumannan Arubiano y ni sikiera por a wanta nan na tra-

bao. Corda pa e hendenan aki, considera e Arubiano biba na St. Maarten como donjo di St. Maarten tambe!

Awor ta di unda bini, cu nos SI mester considera TUR esnan cu ta biba aki DONJO di e pida baranka cu yama Aruba?? Acaso Corsow, Bonaire ta considera nos Arubiano tambe como donjo di Corsow of Bonaire?? Esaki ta e mesun direccion y e mesun politika cu PPA a hunga den pasado cu e Pueblo Arubiano. Of ta come for di dos plato pareuw?? No ta existi un Arubiano cu tin e sentimiento di e pida baranka

na pecho, cu por accepta e cos aki!

Tira un vista rond y check cuanto a keda biba aki pa amor y stimacion pa e pida baranka cu yama Aruba. Awor cu cos ta bon, TUR ta djodjo. Dia cos bira malo, nan tur ta pak maleta y lubida cu tabata tin un pida baranka cu yama Aruba ta existi. Y ta kende mester keda y sigi lucha pa sobreviviriba e pida baranka aki?? No ta nos ARUBIANO mes? Y si e Arubiano kere di bai cualkier otro pais en busca di trabao y kere cu nan tambe ta haya e mesun derecho y bira donio tambe di e pais ey, nan ta keda malamente ekiboka.

Tin un proverbio ta bisa: Ora zorro conta su pasion, cunukero cuida bo patonan!

UN OBSERVADOR

NOTA DI REDACCION — Como Arubiano nos por comprende bo sentimiento. Con nos yiunan nance aki ta sinti ora scirbi asina tocante nan tata cu tin 45 anjas ta biba na Aruba?

Ki tiempo un non-Arubiano cu muchanan nance na Aruba lo tin derecho. NUNCA? (RED.)

BISHITA:

La Moda & La Moderna

Y CUMpra E ZAPATONAN FAMOSO

HILTON y FLORSHEIM

PA ARTICULOS PA DAMAS, CABALLEROS Y MUCHA

LA MODA & LA MODERNA

TEL. 1432. 1168

ORANJESTAD. Aruba. N.A.

DIA 23 DI APRIL 1972 ARUBA BOTTLING COMPANY TA CUMPLI 45 ANJA SATISFACIENDO E PALADAR EXIGENTE DI TUR HABITANTENAN DI ARUBA.

EXIGI C O C O R I C O NA TUR CAMINDA, PIDIE PA SU NOMBER:

C O C O R I C O

E TA SIMPLEMENTE UNICO.

DI TUR E REFRESCOSNAN DI ARUBA..

C O C O - R I C O.

TA INCOMPARABLE.

Novela Original

-: Mi no conoce mi tata :-

El a hanja manera biramentu di cabez dje sintimentu fastioso aki i un ratu el a cerra su wowonan i ora cu el a abri esaquinan 'trobe, el a mira Percy ta papia na boz baho cu un criar anciano dje castillo. Te ainda e no tabata sa den ki relacion Percy tabata uni cu su tata. Ora cu el a ripara cu Susana tabata miré, el a sonrei. — James a caba di trece e respondi cu tin un cuarto di logeer prepara pa bo. Tin candela ta cende den fogon i continuamente tin awa cajente den banjo.

“Esaqui ta resona masha tentativa”, Susana a responde sin gracia. Di repente el a sinti cu en realidad lo e no por a soporta mas sin cu el a tuma un bon banjo di awa cajente.

Net e kier a lamta para cu e porta dje vestibulo a dal abri i huntu cu algu dje bientu frieu di anochi, a drenata alavez dos hende.

Un di nan tabata un muhe encantadoramente bunita di alrededor di 30 anja i e otro tabata un homber. El homber tabata grandi i balente i no obstante su edad e tabatin

presentacion di un persona hoben, cu dos wowo blauw cu tabata waak rond preguntativa. Ningun momentu Susana no tabata duda cu n' t'e homber aki tabata su tata, e Earl of Berwick.

PEDRO A WANTA SU PROMESA, PERO.....

Mas o menos durante e mes tempu aki Valeria von Berwick extremamente in-trankilo na Alemania. Loke tabata mas cu di comprende. Te ainda Susana no a regresa despues di su paseo cu

**HABRI BO CUENTA PERSONAL SERCA NOS.
CONTROLA BO ENTRADA Y BO GASTOS.**

Laga Nos Paga Bo Cuentanan Cu nos Sistemanan Moderno.

**No Biaha cu Placa Efectivo ta Peligroso., CUMPRA
BO TRAVELERS CHECKS na:**



First National City Bank
ORANJESTAD

P.O. BOX 709

TEL.: 3455

Aruba, Antillas Holandes



Jorge. I mas laat tabata bira, mas intrankilo tambe e mama tabata bira. Basta no a socede nada cu Susana. Asina e mama tabata pensa. Lo e no pordona su mes hamas, pasobra te mes a duna Susana permiso di bai haci un paseo cu Jorge Hartmann.

E tabata reconece awor cu tabata bobo di su parti cu ni sikiera ela puntra su yiu Susana ta na unda e tabata bai kuier cu Jorge. E no kier a prohibié, pasobra e kier a demostra e yiu aki cu e tin tur confianza den dje como estando un mucha muhe decente i el a lagé cu tur su libertad i ta p'esei ni sikiera el a puntré mes ta na unda e cu Jorge ta bai. Awor e tabata sinta na cas manera hende kens ta scucha cada zonido di auto cu pasa. E ta corre bai waak den bentana pa despues e bolbe bin sinta trobe na su luga, pasobra no tabata Susana.

El a cende e lampi special di leza i a abri un buki ta sinta leza aden, pero su atencion no tabata absolutamente na loke e tabata leza. Aunke cuanto e mama tabata gusta leza, pero e no por a leza ni un frase di den e buki.

Den un otro huki dje cas Pedro tabata sinta cu su radio-transistor. El a pone e aparato aki traha masha ketu i atentamente e tabata sigui e intrankilidad nervioso di su mama. E tabata sa cu ta enbano su mama tabata spera riba Susana. E tabata sa cu na e momentu aki su ruman lo tabata masha ora caba na Schotland.

Pedro tabata pasa su lenga riba su lipnan secu. E ta-

bata trata na forma su mes un idea com e encuentro entre tata cu yiu lo a tuma luga na Schotland. Pero e no por a logra com. E tata tabata parce den su imaginacion un homber preocupa cu tabata preocupé cu tur cosnan insignificante, un hende cu ta gusta piki pieu. I Susana cu su caracter cu temperamento kizas a bula cohe e tata na su garganta i bisé flat ta ken e ta i lo el a sunchi su tata tur caminda den su cara, mientras e tabata sorprendi i no por a comprende enter e asuntu.

Pedro a traha un boca di menosprecio. Muhenan! E tabata pensa. I awor su fantasia a confisca pa un otro problema.

Con su tata lo a reacciona riba un semehante saludo? E tambe lo a tuma Susana den su braza? Lo e tabata contento cu e encuentro repentino aki di su yiu of kizas lo e no ta reconece su yiu mas enteramente. Lo e por a recordé cu e tabata un yiu muhe cu yama Susana?

Pedro su curpa a salí na bafon pa e pensamentu ei. No, el a pensa despues. Un cos asina no ta existi. Ningun tata lo por lubida su yiunan totalmente i tambe mester a socede algu particular cu mi tata, cu e no a bin busca nos drechi mas. Kizas e tabata malu.

Pedro tabata pinta su tata como un homber solitario i abandona cu tabata sufriendo, cadena den un rolstoel, cu tabata desea i anhela na su yiu cu tabata leu foi dje. El a skirbi su tata cartanan jen di amor, pero esaquinan no a alcanza nan obheto, pa-



Hmmmmmm
Delicioso!!!!




Saboria un refrescante....



Juice
Leechi
Sherbet
Dur-O-Ritz
Temptee

acompaña cu un apetitoso

HAMBURGER



HOTDOG



CHICKEN PLATTER, -
BATATA HASA Y E
WEEKEND SPECIAL
ROTI



SNACKBAR

sobra cualke mal hende tabata cohe nan kibra i no tabata entrega nan na su tata. Susana a juga net na tempu pa evita lo peor. Anto Pedro a spanta ora cu el a bolbe vende di su mama cu a bisé: "Pedro, ya ta pa ditres

Continuacion riba pag. 14

Nos lectornan ta scirbi

Senjor Redactor di Chuchubi, permiti mi un espacio den bo semanario tan lesa y tan gusta aki den Antillas pa nos jovenesnan y bieuwnan.

Ami ta un fiel lesador di Chuchubi y hopi dia caba mi kier a scirbi algo den e semanario aki. Weitando cu hopi personanan ta scirbiendo nan remetidonan tocante

sexo, politica, etc. Mi tambe a dicide di scirbi algo.

Weitando cu dia di nos mamanan stima ta acercando. Pa prome ami tin 15 aña y tambe mi tin rumannan mas grandi y chiquito cu mi. Pa motibonan di asunto di famia nos ta biba separa for di otro. Mama ta biba so, Tata ta biba so. Mi otro cinco rumannan ta biba cerca di un tanta, y mi otro ru-

man cu ami ta toca nos e mala suerte di bai queda serca un tio.

Ami ta jama esaki un masha mala suerte mes, mas-ké mi ta pasa bon y ta come bon. Awor mi ta kere cu tur nos lesadornan di Chuchubi ta puntra nan mes pakiko ami ta jama esaki mala suerte. Wel, pa ser mas claro, tur hende na mundo ta come

:- HENDERSON ARUBA :-

14 di Mei - Dia di MAMA

BUSCA BO REGALO PA MAMA SERCA NOS ECONOMICO Y ATRACTIVO.

CAHA LUJO
CU

3 HABON

1.98

OLOSHI
PA DAMA

TIMEX

di 20.25

PARIBA

CENDEDOR
di GAS

ELECTRICO

3.95

MAT PA
BANJO

Non-Slip

7.49

SET DI
REGALO

4711

4.75

SPECIALIDADNAN di COLD STORAGE:

PORK-CHOPS ½ KILO ANTES 2.02 AWOR 1.89

BATATA HASA 2 LBS. ANTES 1.19 AWOR 99

20 APELSINA ANTES 2.35 AWOR 1.98

**NOS TA SPERA E
WEEKEND AKI**

Flor Frescu

Y

Aardbei Frescu

Spaar Bo Bonnan di Caha. Den Nos Premium Shop tin Articulonnan Electrico cu Descuento di 20 te 30 Porciento: Toaster, - Forno - Percolator - Can-opener, etc. etc.

HENDERSON..... PA E AMA DI GAS CU

GUSTA CALIDAD Y BON PRIJS

y bebe pa nan por queda na bida y tur hende na mundo sa tambe cu nos juventud di awendia ta diferente cu esun di antes, esta nos ta gusta nos libertad pa bai un fiesta, un cine etc.

Na Aruba aki nos ta weita caba con hopi di e mayornan ta di acuerdo cu esaki. Pero e tio di mi tin asina un miedo pa algun hende comenos cu nos un por bai ni'un parti. Si ba bai serca di un bisña, ya e ta cla pa zundra-bo, mescos cu e homber bisña a comebo henter caba den un rato. Basta e lanta tur Diadomingo grita muchanan, boso bai misa, keriendo cu nos juventud di awor ta gusta bai sinta den misa manera santo tur Diadomingo.

Awor cu esaki mi ta kere cu boso tur lo comprende con mi ta odia y tin rabia ariba mi mes un tio. Pasobra un tio cu ta mi mama su ruman y sa kiko un ruman ta haci pa un ruman y con ruman ta stima otro, nunca lo e pone den su cabes pa trata di pone un yiu contra di su mama.

Ami ta jama esaki contra pasobra un hende cu ta taha un yiu pa papia cu su mama, zundra su ruman muhe cu ta mi mama pa e famoso palabra cu ta cuminza cu e P... cu un monton di cos mas, nunca mas ta keda bon mira den wowonan di e yiunan y hasta e ta keda mal mira door di hende stranjo.

Yiunan boso nan habri wo wo pa esaki y tene ciudao, pasobra loke mi ta scirbi aki ta berdad. No laga ni famia ni amigos llena bosonan wonan cu mentira acerca di boso mama pa pone boso contra di dje.

Pasobra un mama por ta tur cos cu un hende kier jamé pero ta bo MAMA e ta.

Un no ta tio, ni familia, ni conocirnan a carga bo bao nan curazon pa nuebe luna y a trece bo na mundo. Ta bo mama a wanta tur dolor pa trece bo na mundo. Na un mama bo por confia tur cos, papia tocante problema nan y semper e ta cla pa yuda abo cu ta su yiu.

Un persona cu kier pone bo contra di bo mama ta hende cu curazon di piedra y ta mas bestia cu bestia.

Juventud cera wowonan tocante redo pa pone bo contra di bo mama. Ya cu dia di Mama ta cerca mustre bo cariño cu un regalo maske chikito o barata e ta tumé jen di alegria.

Un yiu cu ta stima su Mama riba tur cos.

MOVED — VERHUISD — Mudado

LICORES ARUBA N.V.

to

LLOYD G. SMITH BLVD. 128

Tel. 1094 — 3564

Continuacion di pag. 5

nezolano, y nan tabata jama nan PIRATA.

Autoridadnan competente tabata persigi e piratanan aki, pero awe e piratanan moderno ta sconde tras di uniform cu gobierno di nan pais ta dunanan hunto cu un barco equipa cu cajonan, mitrailleur y otro arma, cu nan por broma y usa pasobra e armanan no ta costanan gasto alguno y nan ta usa nan pa abuso di e soberania di otro paisnan mas chikito y cu menos poder di arma cu nan. Sin ningun autoridad e hendenan aki ta tuma poder den nan man djies, pasobra nan tin uniform bisti y sin cu nan gobierno sa ki abuso nan ta comete.

Ami cu ta di regionan frontierizo conoce e ideologia di e personanan aki y segun e declaracion di e capitan di e

patrullera cu a sali den diario Venezolano El Coriano ta bisa cu ela captura e barco den Punta Macolla y cu e mercancía por ta cu e tabata bai pa La Guajira. Atrobe mi ta puntra cu ta costanan Venezolano nan ta controla of tambe e costanan Colombiano.

Si e situacion aki sigi e senjoresnan autoridadnan Antiliano anto no ta sorprende nos cu algun dje dianan aki ora cu Niagara ta drestando Puerto di Oranjestad e worde apresado door di un dje patrulleronan Venezolano y hiba pa un puerto Venezolano, pasobra e tabata navega den awanan Venezolano carga di contrabando.

Kiko lo pasa e ora ei? Balapena busca un forma pa regla e asuntonan aki prome cu e consecucionan sali for di man.

C. J. M. C.

Continuacion di pag. 11

bez cu mi ta haci bo un pregunta sin cu mi a hanja un contesta. Unbez Pedro a hiza su cabez i inboluntariamente su man a dal na e radio cu esaki a cumenza ta grita i borota.

Spanta Valeria a tene su mannan na su ocreanan. — “Pedro mi ta basta nervioso caba I awor cu bo ta cumenza na toca e malora ei, bo ta haci mi mas nervioso ainda. Ta kico propiamente bo ta haci aki? Masha ora caba bo mester tabata na bo cama.”

“Toch ta verlof di Otonjo, mama”, Pedro a defende su mes. — “Ta bo mes a priminti mi cu durante mi vacation lo mi por keda drumi mas tantu.”

Atrobe Valeria a cumenza ta camna bai bini nervioso den e cuarto. E mama a keda directamente para dilanti e yiu cu tabata primi den huki i e mama a puntré: “M’a informa bo cu bo n’ sa ta unda Jorge i Susana a bai? Ta e cu Jorge a bai kuier den auto.”

“Mi n’ sa ta unda nan ta, mama.”

“Ta kico ta nifica e NO ei?”

“Mi n’ sa mama.” — I tabata duel Pedro masha cu e mester a ganja hasta su mes mama. Esei ta cos cu te ainda e no a haci. Naturalmente cu excepcion di algun cos chikitu. Pero awor Pedro tabata sinti muchu bon esaki no tabata cualke mentira inocente, pero uno gran-

di i serio. I como e tabata sinti e mentira manera un peso pisa riba su lomba.

“Pero ta unda asina nan lo por ta?” Valeria a sigui pensa. — Lo mi laga busca polis? Kizas por a pasa algu?

Pero en todo caso nan lo por a manda bisa mi si ta un desgracia a pasa. E mama kier a bai papia cu polis na telefon. Pero Pedro a stop e diciendo:

“Spera un ratu mas, mama. Kizas nan ta cerca di bini.”

Valeria a suspira. — “Ta bon, pero abo ta bai na bo cama inmediatamente. Ta muchu laat caba pa mucha chikitu manera bo ta lamenta.”

Si acaso e mama no tabata asina excita i nervioso, anto sin duda lo el a bira sospechoso, pasobra sin contradeci nada Pedro a cohe su

BE SMART
USE

WOLMANIZED

PRESSURE TREATED LUMBER

20 - YEAR GUARANTEE

AGAINST DAMAGE BY ROT OR TERMITES

ONLY AVAILABLE AT

Antilliaanse Handel Mij. N.V.

Dakota

Tel.: 2828

cosnan i a bai na su mama. Awe e no a ripara ta di con su yiu a bai drumi asina lihe sin murmurra. El a duna e yiu un sunchi riba su frenta manera custumber i a bisé di lamta tempran mainta pa e banja su curpa, a cerra e porta di su cuarto i a bai lagé.

Ta unda Susana por a keda anto? Ta kico por a pasa cuné cu e no a bini na ora pa cena.

Valeria a bai sinta na mesa cu su cabez den su mannan i tabata kibra su cabez. El a dicidi di keda spera un ora mas. I si despues di un ora mas ainda Susana no a jega cas, anto lo e laga jama polis.

(Siman cu ta bini:
Susana ta contra su
Tata).



Glenda Croes, ariba e foto ta un di e dieiseis finalistanan pa e concurso Miss Teenager Aruba 1972 cu e anja aki

lo tuma lugar dia 21 di Mei na Holiday Inn. Diasabra ultimo, dia 6 di Mei, un hurado internacional di siete bao direccion di Sr. Watty Chai den un trabao dificil a saca e siguiente candidata-nan:

Glenda Croes, Aura Bikker, Marisela van der Schoot, - Brenda Croes - Cira Carrera - Jouraine Wever - Maria Willems, - Christina Maduro - Nidia Geerman - Ludwina Werleman - Debbie Arends Melva Almarie - Marlene Herns - Marietta Tromp - Stella Henriquez y Arlene Halley, kende a sali eligi cu suficiente punto durante di

recapitulacion di e scoresheets di hurado. Rene "Flip" Lourens y Sara Oduber Runner Up Miss Carnaval 1972 tabata encarga di presenta e programa y candidatanan, un trabao bon haci.

Jack Tromp, un cantante hoben y un descubrimiento di actualidad cu un estilo potente, firme y varonil a deleita publico cu su presentacion artistico como solista y huntu cu e escultural Farita Luidens. Flower Power a secunde y tambe Arlene Croes otro cantante nobo. Frank Benita y e grupo The Key tambe a impresionar e anochi di pre-eleccion.

Celebracion di dia di enfermera

Organizacion di Enfermeranan Antiyas Neerlandes, ODEAN, dia 12 di Mei lo celebra Dia di Enfermera cu varios actos di ceremonia riba Aruba.

ODEAN cu directiva principal na Corsow ta afilia na Caribbean Nurse Association y e organizacion na Maart 1972 a eligi bestuur Arubano consistiendo di Zuster F. Bijl-

hout, 2o Vice President; — Zuster C. Hector, Secretaria Asistente; y Zuster C. Maduro, Comisaria.

E programa pa dia 12 di Mei ta cuminsa na Hospital San Pedro di Verona cu hiza-miento di bandera pa 6:50 di mainta sigui pa palabranan di e directeur di hospital Dr. F. Hage.

Pa 9:30 a.m. lo tin un Misa Sagrada den Kapel di hospital. Na e misa aki tur pacien-tenan di hospital por asisti.

Na TeleAruba e mesun anochi pa 8'or lo tin un discusion entre varios enfermera.

Siguiente dia 13 di Mei, verpleegsternan a programa un baile na Club POVA pa miembranan di e organizacion di enfermeranan y pa invitadonan.

ATENCION — ATENCION
OFERTA ESPECIAL DI **PLASTIC**
PA FURA AUTO Y MUEBLES.

60 Diferente color — Prijs Sumamente **BARATA**

Nos a caba di ricibi tambe un lote grandi di e conocido verf marca "**ADELPHI**" den tur color.

J. E. P. CABENDA

TELEFOON 1539 — ORANJESTAD

- ★ E mucha muhe bendedo di disco semper ta punta: "Esei so bo kier?" Dios gracia cu ta disco so e ta bende.
- ★ Aruba su petroleo ta na Santu Largo, oficialmente.
- ★ Por tin un arreglo secreto cu Venezuela pa cuminsa cohe e barconan den nos awanan territorial.
- ★ Na Hulanda un politico di cu nos ta hanja mucho placa for di nan. Ideanan colonialista ta reina den Reinado.
- ★ E caso di desfalco na Caribbean Hotel no tin fin di sali. Ei bao tin algo stranjo.
- ★ Dokter di mucha a jega nos isla atrobe. Diamars ela cuminsa y nunca ela pensa cu ta asina tanto trabao tin.
- ★ Pronto Vallita Maduro nos Miss Aruba 1971 lo perde su corona. Sorpresa ta cu pronto lo e bisti uno diferente.
- ★ Koffie mester ta caliente manera infierno, pretu manera un diablo, puro manera un angel y dushi manera amor.
- ★ Muhe tabata e segundo error di Dios.
- ★ Easy ta loke no ta dificil
- ★ Un genio ta un persona cu ta logra haci su sueldo dura te otro dia di pago.
- ★ Mama moderno ta esun cu ta preocupa su mes ora su yiu muhe jega cas tempran.
- ★ NA TUR MAMA APE-SAR DI TUR COS, UN FELIZ DIA DI MAMA DI CHUCHUBI, MARTIEUW y e escritor aki.

SUN KONG

SUPERMARKET

PONTON 82 — TEL. 2506

Chicken Legs	5 lbs.	fls.	4.85
Chicken Legs	3 lbs.		2.70
Porkchop	1 lbs.		1.69
Spam	12 ons		1.35
Spam	7 ons		0.87
Vienna Sausage Libbys	4 ons		0.51
Picnic Sausage Libbys	4 ons		0.48
Hormel Sausage	4 ons		0.48
Potted meat Libbys	3¾ ons		0.29
Corned beef Hash	15 ons		0.95
Corned beef Hereford	12 ons		0.99
Zwan Luncheon Meat	12 ons		0.52
Zwan Luncheon Meat	7 ons		0.39
Zwan chopped ham and pork	12 ons		0.95
Beef Tripe Exeter	15¼ ons		0.79
Roast beef	12 ons		1.40
Spaghetti and meat balls	15 ons		0.65
Curry beef marca Chinees	8 ons		0.85
Stewed beef marca Chinees	11 ons		1.10
Campbells Chicken Noodle	10½ ons		0.39
Red Rose Salmon	15 ons		1.59
Red Rose Salmon	7 ons		0.80
Scottowels	2 rolls		1.65
Scottowels	1 roll		1.18
Papel di W.C. marca (Lale)	5 rolls		0.90
Tomato paste (Heinz)	6 ons		0.25
Pepees tomato (Lunik)	6½ ons		0.17
Chinees sauce	12 ons		0.50
La Chop Soy sauce	5 ons		0.55
Jello	5 paks 3 ons		0.99
Sea Bel Oysters	8 ons		1.15
Mayonnaise (Kraft)	32 ons		1.70
Mayonnaise (Kraft)	16 ons		0.98
Mayonnaise (Kraft)	8 ons		0.68
Basora Big Chief			3.65
Swafel pa paki			0.25
Zwan cocktail sausage	14 ons		0.95
Zwan cocktail sausage	4 ons		0.55
Zwan pate de foie	7 ons		0.39
Zwan pate de foie	2 ons		0.17
Zwan 10 meat balls w. gravy	15½ ons		0.60
Salu			0.25
Catchup Libbys	12 ons		0.48
Lighthouse tomato sardines	13 ons		0.65
Lighthouse tomato sardines	7 ons		0.40
Royal sardines	3¾ ons		0.25
Nos tin Kets pa mucha homber y mucha muher.			
Tayo hundu y plat, spiel, coi hunga, weya di aluminio, plancha, hember di plastic.			
Pisca frescu y carni frescu.			

NOS TIN MAS CU MILES Y MILES DI
ARTICULO BARATA.

Goza Bo PLACA Y SPAAR TEMPO
CUMPRA NA SUN KONG

Bo Horoscopo di Siman

ARIES

Maart 21 — April 19

Huza tur diplomacia pa bo no hanjabo den descucionnan cu familiar. Den amor lo bo tin exito y lo acercabo un persona largamente spera. Cuida bo salud, especialmente contra di refriado. Lo bo bai tin un cambio den trabao.



TAURUS

April 20 — Mei 20

Den e siman aki solamente un dia lo bo por sintibo fastioso, pero mantenebo calma y tur cos lo pasa suavemente. Jupiter y Venus ta domina, y lo bo hanjabo cu romance nan nobo. Hopi cos lo wordu resolvi y lo bai tin un cambio favorabel den bo trabao. Un aumento di salario enespera.



GEMINI

Mei 21 — Juni 20

Amigonan falso lo asercabo cu negoshinan clandestino, cual por hiba bo den perdicion. E siman aki lo por riska algo den wega y asina aumenta bo situacion financiero. Bo numero di suerte ta 24 — 36.



CANCER

Juni 21 — Juli 22

Lo bo bai haci un viaha diripiente cual lo resulta bo masha ventahoso. Lo bo hanja bo cu hopi amistadnan nobo. Huza bo cabes bon pa bo sali venci den un discusion cual lo bo por hanja bo aden cu un persona di hopi capacidad. Corda cu solamente bo por triunfa si bo dedicabo cu loqual bo ta gusta.



LEO

Juli 23 — Agosto 22

Mas importante di e siman aki ta no mescla cu amistad. No presta placa. Esaki lo causa perdida di placa y amistad. Posiblemente lo presenta bo mejoras den trabao o profession. Un consejo di un persona quien ta preocupa hopi pa bo, lo jega na su hora. Scuchele cu atencion.



VIRGO

Agosto 23 — September 22

Cuida bo mes hopi e siman aki pa accidet. Evita bebecimento y parandanan te laat den anochi. Saturno ta den bo planeet y lo bo sintibo impulsa pa haci malo. Trata na controla bo pa asina evita lo peor. Tene cuenta cu bo salud no ta cien por ciento.



LIBRA

September 23 — October 22

Deseo pa libertad y recreacion lo domina bo y asina lo bo hanja bo den hopi ambiente festahoso. Cierito plannan cual bo tabata tin lo realisa. Pasa e siman aki cu masha calma den compania di bo mas queri. Evita tur conflicto y lo bo por gosa di un siman dichoso.



SCORPIO

October 23 — November 21

Mercurio ta domina. Muy probablemente lo bo haci un viaha enespera, cual por stroba plannan cual bo tabata tin. Evita tur clase di discucionnan tal na trabao como den asunto amoroso. Lo bo resolve un problema cual tabata tin bo masha preocupa. Den trabao lo bo tin masha exito. No tuma ningun clase di desicion promer cu bo studia e profundamente.



SAGITTARIUS

November 22 — December 21

E siman aki qualkier obstaculo cual lo por presenta bo lo bo venenar facilmente. No larga jaloersmento dominabo. Lo bo bai tin un sorpresa agradabel y enespera. Un persona lo duna bo un consejo den un asunto largamente sonja. Ta un bon ocasion pa cambianan desea. Lo bo bai tin amistadnan nobo.



CAPRICORNIUS

December 22 — Januari 19

Tene e amigonan cu ta gusta busca bo y biba ariba bo custia na un distancia. Evita gastamento di placa y desicionnan tocante esaki. Cuida bo salud y no haci offerenda da bachus. Venus lo comporta bon cu bo y lo bo logra e persona largamente desea.



AQUARIUS

Januari 20 — Februari 18

Cuida bo mes pa nerviosidad especialmente cu personanan estima pa no bini un kiebraz di amistad. Den asunto financiero tambe no ta mucho di gaba na cuminsamento pero na final lo bo sinti bo cu mas exito. Cuida bo trabao y dedica bo mes un poco na estudio.



PISCES

Februari 19 — Maart 20

Trata di drecha tur difficultadnan cu bo tin den asuntonan di amor. Trata di tene tur cos bao di control maximo y habri wowo. Cierito personanan cu ta jama bo mes bo amigo lo trata di envolvi bo den difficultadan personal. Di foi tera lo bo recibi noticianan agradabel.



Senjor

GERENTE

Senjor

DIRECTOR



Senjor

COMERCIANTE

Senjor

SECRETARIO

AMIGO LECTOR



PA TUR BO TRABAO DI
IMPRENTA TA UN
IMPRENTA TIN

Oranjestad Printing

KRUISWEG 15

TEL. 2526

Oranjestad

CU NOS DRUKKERIJ MO DERNO PA UN Y TOER.

Nos ta ofrece Bo:

CALIDAD SUPERIOR
ECONOMICO Y
ENTREGA RAPIDO

SPECIALIDADES:
KAARTJI RICIBIMENTO
KAARTJI BRUID
TUR CU ENVELOP
PAMFLET
CLICHE